

## Шавкат МИРЗИЁЕВ:

Биз бошлаган ислохотлар, бу – фақат рақамлар ёки ҳисоботлар эмас. Бу – ҳар бир оила, ҳар инсон ҳаётида сезиладиган, фаровонлик ва тараққиёт сари йўналтирилган ҳақиқий ўзгаришлардир.



IJTIMOIIY - SIYOSIY GAZETASI

## ЙўЛЛАРИМИЗ РАВОН БЎЛСА... ҲАЁТИМИЗ ҲАМ ФАРОВОН БЎЛИБ БОРАВЕРАДИ



Бугун исталган даврага кирсангиз, мамлакатимизда автомобиллар сони кун сайин кўпайиб бораётгани, деярли ҳар бир оилада камида биттадан улов борлиги, бу албатта аҳолининг турмуш фаровонлиги ортаётгани, қолаверса, талабга яраша йўлларимиз ҳам равон бўлаётгани муҳокама мавзусига айланади. Лекин бу соҳадаги имкониятлар тобора кенгайиши баробарида, йўллар ва транспорт ҳаракати хавфсизлиги билан бевосита боғлиқ муаммоларга ҳам босқичма-босқич ечимлар изланаётгани аниқ. Табиийки, йўл қуриш, таъмирлаш баробарида транспортлар ҳаракати хавфсизлигини таъминлаш ҳам долзарб масалалардир. Ҳақли саволлар туғилиши

табиий: хўш, таъмирталаб йўллар қачон тузатилади? Ёки йўл транспорт ҳодисаларининг йил сайин камайиш ўрнига ошиб бораётгани сабаблари таҳлил қилинганда қандай омиллар бирламчи роль ўйнамоқда? Нега ҳайдовчилар ўртасида қоидабузарлик ҳолатлари камайиш ўрнига ортиб бораётир? Йўловчи ва ҳайдовчи маданияти шаклланиши учун яна қанча мuddат керак?

O'zLiDeP Siёсий Кенгаши Ижроия қўмитаси ташаббуси билан ўтказилган давра суҳбатида шу ва шу каби масалалар атрофича муҳокама қилинди.

2

**O'zLiDeP** тизимидаги  
жами **16 137** та  
бошланғич партия  
ташкилотининг  
барчасида  
ҳисобот сайловлари  
ўтказилди, улардан  
**14 631** БПТда  
етакчилар қайта  
сайланган бўлса,  
**1 506** тасида  
раислар ўзгарди.

4

## “XXI asr” ijtimoiy-siyosiy gazetasi

БИЛАН  
БИРГА  
БЎЛИНГ!



Обуна индекси - 406  
Мурожаат учун телефон:  
**71 255 68 50**

## ЕВРОПА ИТТИФОҚИ ТАЖРИБАСИ Марказий Осиё интеграцияси учун муҳим асос

3



## “Ишбилармон аёл – 2025”

4



## ПОЛВОНЛАРдан ПОЛВОНлар ТУФИЛАРМИКАН?!

6



## ДЕПУТАТЛИК СЎРОВИ

АВТОМОБИЛЛАРНИ  
СЕРТИФИКАТЛАШ ЖАРАЁНИ:  
НОҚУЛАЙЛИКЛАРГА  
ҚАНДАЙ ЕЧИМ БОР?

**Руслан САБИРОВ,**  
Олий Мажлис Қонунчилик  
палатаси депутаты,  
О'зЛиДеР фракцияси аъзоси

**Жорий йилнинг март ойда хориждан келтирилувчи айрим турдаги автомобилларни сертификатлаштиришда аниқланган “камчилик” сабабли ушбу турдаги автомобилларни сертификатлаштириш юзасидан аризаларни қабул қилиш жараёни тўхатилган эди.**

Қўлланилган ушбу вақтинчалик тақиқ кўплаб тадбиркорлик субъектлари ва фуқароларнинг эътирозига сабаб бўлди.

Хусусан, таникли иқтисодчи Отабек Бакиров ўзининг ижтимоий тармоқдаги саҳифасида мавжуд ажабтовур талабларга нисбатан қўшимча шартлар киритилиши рақобатни бузиши, нотенг имкониятларнинг юзага келтирилиши таъкидлаб, автотранспорт воситасида аниқланган номувофиқликлар бўйича мустақил хизмат текшируви ўтказилишини савол остига қўйиб, ким билади балки бу чайқовчи монополистларнинг буюртмасидир, дея изоҳ қолдирган эди.

Шунингдек, Ўзбекистон илмий-си-

нов ва сифат маркази давлат муассасаси “O'zTest” фаолиятида шаффоф механизмларнинг жорий қилинмагани ва автомобиллар автополигонда ҳеч қандай текширувдан ўтказилмаслиги бўйича ижтимоий тармоқларда маълумотлар тарқалди. Шу билан бирга, Пискент автополигонда импорт автомобилларни синовдан ўтказиш учун катта навбат юзага келаётганлиги, тадбиркорлик субъектлари ва фуқароларга навбат кутиш учун шароит яратиш каби ҳолатлар ҳам қизғин муҳокамаларга сабаб бўлди.

Шу муносабат билан Олий Мажлис Қонунчилик палатаси депутаты, О'зЛиДеР фракцияси аъзоси Руслан Сабилов Ўзбекистон техник жиҳатдан тартибга солиш агентлиги директори А. Жуманазаровга “O'zTest” фаолиятида шаффофликни жорий қилиш ҳамда импорт автомобилларни синовдан ўтказиш жараёнида тадбиркорлик субъектлари ва фуқароларга қўлай шароит яратиш юзасидан депутатлик сўрови юборди.

Ҳозирда мазкур муаммо жамоатчилик диққат марказидаги масалалардан бири бўлиб қолмоқда. Ўзбекистон илмий-синов ва сифат маркази давлат муассасаси “O'zTest” бошқарув органи мазкур депутатлик сўровига жиддий ёндашган ҳолда асосли жавоб қайтарди ва ташкилот фаолиятини шаффоф акс эттирувчи рақамли тизимни ишлаб чиқди, деган умиддамиз.



**Кеча Олий Мажлис депутаты Шухрат Шарофутдинов ўзининг Facebookдаги саҳифасида “O'zLiDeP фракцияси аъзолари ҳайдовчиларга қўшимча жазо қўлланилишига қарши чиқди” деган сарлавҳа остида пост қолдирди.**

Халқ вакили партиямиз фракцияси йиғилишида ҳайдовчилик ҳуқуқидан маҳрум қилинган фуқарони профилактик рўйхатга олиш ва уни ўша белгиланган муддатга назорат қилиш ҳақидаги норма Конституциямизнинг 20-моддасига зид эканини таъкидлагани эътиборга молик. Ниҳоят мазкур қонун лойиҳаси бўйича фракция аъзолари қатъий позицияда тургани сабабли лойиҳа қўмитага қайтарilib, билдирилган асосли таклиф қонун лойиҳасида ўз аксини топди.

Эътиборли жиҳати, фракция аъзоларининг мазкур таклифи асосида ўз-

**Шухрат ШАРОФУТДИНОВ,**  
Олий Мажлис Қонунчилик  
палатаси депутаты,  
О'зЛиДеР фракцияси аъзоси

гантирилган қонун лойиҳаси аҳолининг барча қатлами, жумладан, электоратимиз вакиллари манфаатига ҳам зидлиги, уларнинг ортиқча овозагарчиликларига сабаб бўлиб, ўз фаолиятини юритиш ўрнига профилактик ҳисобга олиш тартибларини таъминлаш билан шуғулланиб қолишининг олди олинди.

ЙЎЛЛАРИМИЗ РАВОН БЎЛСА...  
ҲАЁТИМИЗ ҲАМ ФАРОВОН БЎЛИБ БОРАВЕРАДИ

◀◀Бошланиши 1-саҳифада.

Мулоқотни **О'зЛиДеР Сиёсий Кенгаши Ижроия қўмитаси раиси ўринбосари, Олий Мажлис Қонунчилик палатасидаги партия фракцияси раҳбари ўринбосари Гулшана ХУДОЁРОВА** очиб, мавзунинг нақадар катта аҳамиятга эга эканлигини алоҳида урғулади ва иштирокчилардан бу учрашувда фаол бўлишни сўради.

**Олий Мажлис Қонунчилик палатаси депутаты, партиянинг парламентдаги фракцияси аъзоси Равшан ФОЗИЛОВ** ҳам мамлакатимиздаги аксарият аҳоли вакиллари ўртасида бугунги давра суҳбатида кўтариладиган масалалар гоёт муҳим эканини таъкидлади.

Тадбирда бир қатор ваколатли вазирлик ва идоралар вакиллари, маҳаллий кенгаш депутатлари ҳамда кенг жамоатчилик фаоллари офлайн ва онлайн тарзда иштирок этди.

Давра суҳбатида йўл ҳўжалиги соҳасидаги мавжуд ҳолат, инфратузилмани яхшилаш бўйича амалга оширилаётган ишлар, қонунчилик асослари ҳамда жамоатчилик назоратини кучайтириш масалалари муҳокама этилди. Сўнгги йилларда йўл инфратузилмасини такомиллаштириш борасида Президент томонидан имзоланган фармон ва қарорлар асосида қатор чора-тадбирлар белгиланди.

Маълумотларга кўра, 2024 йилда мамла-

менгашмайди. Шундай экан, ҳар биримиз бу борада масъулиятни чуқур ҳис этмоғимиз лозим. Энди бугунги мавзуга оид бир жонли мисолни келтирмоқчиман. Яқинда пойтахтнинг Машинасозлар даҳасидаги бир кўчасига асфальт ётқизилди. Ажабланарли томони, ўша тўшаманинг бир-икки метр жойи чала қолдириб кетилди. Ҳайрон қолади одам, бундай шошқалоқлик билан қилинган ишнинг оқибатини нега йўлсозлар ва уларнинг раҳбарлари ўйлашмайди? Ушбу чала қилинган иш учун кимдир жавоб бериши керак-ку! Шунча одам тер тўқди, қанча техника ишлади, харажат сарфланди, алаҳоқибат, бошланган хайрли иш сифатсиз бажариб кетилди. Бу, ахир, давлатнинг, халқнинг пулини шамолга совуриш эмасми? Бу каби саволларга “Yo'lqurilish” акционерлик жамияти мутасаддилари жамоатчилик олдида жавоб берсин.

Албатта, халқ вакили сифатида биз ҳам ушбу масалада томошабин бўлиб қараб ўтирмаймиз.

Дарвоқе, суҳбатда кўтарилган мавзудан келиб чиқиб, йўл ҳўжалигида сифат ва шаффофликни таъминлашнинг энг самарали усули – жамоатчилик назоратини кучайтириш экани эътироф қилиниб, ҳар бир фуқаро ўз маҳалласида, туманида қуриллаётган йўл ишларига бефарқ бўлмай, устидан назорат ўрнатса, сифатсиз ишлаб кетиш ҳолатлари камайиши қайд этилди.

лаш орқали ЙТХни камайитириш, шаҳар ва аҳоли пунктларидаги кўчаларни йўл ҳаракатини тартибга солиш воситалари билан тўғри жиҳозлаш ҳамда ҳаракат қатнашчиларининг хавфсизлик қоидаларига риоя этишини мунтазам таҳлил қилишга эътибор қаратилди.



**Баҳодир СУЛТОНОВ,**  
Халқ депутатлари Чилонзор  
тумани кенгаши депутати:

– Фурсатдан фойдаланиб, бугун партиямиз томонидан уюштирилган мавзу ниҳоятда долзарб ва муҳим эканини, айниқса, кенг жамоатчилик эътиборини тортиши мумкинлигини инобатга олган ҳолда айтмоқчиманки, йўллар ва транспорт ҳаракати хавфсизлиги бўйича ҳар бир фуқаро фаол бўлмоғи шарт. Оддий мисол келтираман: йўл чизикларини ҳеч кузатганмисиз, айрим жойларда уч метр ўрнига ўн метргача белгиланган ҳолатлар ҳам учраятми. Ёки бўлмаса, иккита автомобиль ўтиши лозим бўлган жойга сариқ чизик тортилиб, ҳаракат чеклаб қўйилган. Оқибатда ҳайдовчи, хоҳлайдимми, йўқми, барибир йўл қоида-сини бузишга мажбур. Кейин нима бўлади? Жарима ёзилади. Бундай ҳолатда қай бири-миз ўзимизнинг ҳақ эканлигимизни исботлаш учун судма-суд югурамиз? Э, шунча оворай сарсон бўлганимдан кўра, кел, тинчгина 15 кун ичида жаримининг ярим пулини тўлаб қутула қолай, деймиз-да, қўл силтаймиз. Бундан ким ютади, сизу бизми, йўқ, албатта! Хуллас, бу каби эътирозлар кўпайса кўпаймоқдаки, асло камаяётгани йўқ. Ким айтади, қани, чизиклар узунлиги бўйича техник регламент борми? Ёки маҳаллий ҳокимият, хусусий тадбиркор каби манфаатдор шахсларнинг таъсири билан чизиклар кенгайиб, узайяптими?

Кизғин баҳс-мунозара тарзида кенган суҳбатда мобиль камера фақат йўл-патруль хизмати ходимининг шахсан иштирокида фойдаланилиши кераклиги, аммо фуқаролар-



катдаги умумий автомобиль йўллари узунлиги 200 минг километрдан ортиқни ташкил этган. Йўللари таъмирлаш ва модернизация қилиш учун 1,2 триллион сўмдан ортиқ маблағ сарфланиб, 5 минг километрдан ортиқ йўл таъмирланган. Ҳозирда йўлларнинг тахминан 60 фоизи яхши, 30 фоизи ўртача ва 10 фоизи ёмон ҳолатда эканлиги маълум қилинган. Фалокатлар ва ўлим ҳолатларини қисқартириш, ҳаракатни бошқариш тизимини рақамлаштириш, умумий йўллар сифатини яхшилаш ва жамоатчилик иштирокини таъминлаш асосий мақсадга айланаётгани эътирофга молик. Бироқ, мулоқот жараёнида эътироф этилганидек, соҳада бир қатор жиддий муаммолар ҳам бор. Хусусан, йўл ҳаракати ҳодисаларининг 70 фоизи йўлларнинг ёмон ҳолати билан боғлиқ эканлигига бежиз урғу берилмади. Бунга йўллардаги чуқурликлар, нотўғри чизилган йўл чизиклари ва бошқа сабаблар омил сифатида келтирилди.

Давра суҳбатида сўз олган депутатлар 2024 йил давомида Ўзбекистонда 399 327 та енгил автомобиль ишлаб чиқарилгани, шу билан бирга, 74 700 та электромобиль ва бошқа автомобиллар мамлакатга импорт қилинганини билдириб, шунга мувофиқ равишда ҳосил бўладиган тирбандликларнинг олдини олиш учун йўллари кенгайтириш ва бошқа зарурий чоралар жуда суст амалга оширилаётганини кескин танқид қилишди.



**Муродхон ЖЎРАЕВ,**  
Халқ депутатлари Тошкент  
шаҳар кенгаши депутати:

– Тасаввур қилайлик, тоза сув ва мусоффо ҳавосиз ҳаёт йўқлигини биламиз. Ҳўш, йўллар-чи, уларсиз яшаш бўлармикан? Бекорга йўлларни мамлакатнинг қон томирига



Мулоқот давомида йўл ҳўжалигини бошқаришнинг замонавий тизимини яратиш ва рақамлаштириш, соҳада сифат назоратини кучайтириш ва манфаатлар тўқнашувининг олдини олишнинг ҳуқуқий асосларини ҳамда ҳуқуқни қўллаш амалиётини такомиллаштириш, умумий фойдаланишдаги автомобиль йўлларини таъмирлаш, сақлаш ва жиҳозлаш, йўлбўйи инфратузилмасини ривожлантириш ишларини амалга оширишдаги йўл ҳўжалиги соҳасига замонавий технологияларни жорий этиш ишларининг бориши ҳақида маълумот берилди.

Шунингдек, Ички ишлар вазирлиги вакиллари томонидан умумтаълим мактабларида йўл ҳаракати қоидаларини ўргатиш бўйича синфхоналар ташкил қилиш, мактабгача таълим ташкилотларининг тарбияланувчилари учун ҳам бу каби қоидаларни ўргатиш майдончаларини яратиш ишларини янада кучайтириш, шахсий ва жамоат транспортини бошқарадиган ҳайдовчиларга ҳамда маҳаллаларда кенг жамоатчиликка ҳам йўл патруль хизмати ходимларидан ташкил топган малакали мутахассислар томонидан тарғибот ишларини жонлантириш хусусида таклифлар билдирилди.

Шу билан бирга, соҳада коррупцион омилларни бартараф этиш юзасидан қуриллаётган чораларни янада кучайтириш зарурияти таъкидланди.

Суҳбатда йўл инфратузилмасини такомиллаштириш ва хавфсиз ҳаракатланишни таъмин-

нинг муружаатларига қарамай, салкам бир йил аввал содир этилган қоидабузарлик учун жарималар нега кечикиб юборилаётгани, фуқаролар бундай англашилмовчиликларни бекор қилдириш учун нима учун маҳкамалар эшигида овора бўлиши кераклиги хусусидаги саволларга соҳа вакиллари томонидан жавоб берилди.

Бундан ташқари, транспорт воситаси ҳаракатланиши мумкин бўлмаган чизик тортилган жойларга атайлаб уловларнинг қолдирилиб кетилаётгани сабабли ҳайдовчилар қоида бузишга мажбур бўлаётгани, энг ёмони, ушбу ҳолат учун ҳалиги масъулиятсиз фуқаро эмас, аксинча, бутунлай айбсиз шофёр жаримага тортилиши қайси мантиққа тўғри келиши жиддий муҳокамаларга сабаб бўлди.

Ниҳоят, давра суҳбати якунида “Равон йўл ва хавфсиз ҳаракатланиш”, “Йўллар ва йўловчилар (йўллардан фойдаланувчилар, ҳайдовчилар) масалалари” лойиҳалари бўйича О'зЛиДеР ҳузурда Амалий лойиҳалар ва сиёсий таълим маркази раҳбари Насимжон Алимов бошчилигида Ишчи гуруҳ тузилиб, аҳолининг таклиф ва мулоҳазалари ўрганилиши ҳамда шу асосда чора-тадбир ишлаб чиқилиб, қонунчиликка қўшимча ва ўзгартишлар киритилиши белгиланди.

**Абдулла ЧИМИРЗАЕВ,**  
“XXI asr” муҳбири



“ИШБИЛАРМОН АЁЛ – 2025”

ҚАШҚАДАРЁ



Маҳалла  
босқичининг илк  
ғолибалари

О'zLiDeP Қарши шаҳар кенгаши томонидан ўтказилган “Ишбилармон аёл” кўрик-танловининг маҳаллалардаги саралаш босқичида “Шайхали” МФЙда фаолият олиб бораётган Хулкар Эгамбердиева томонидан тайёрланган гиламлар кўпчиликнинг эътиборини тортди. Ҳозирда тадбиркор аёл томонидан ўндан ортиқ турдаги миллий нақшлар туширилган гиламлар тайёрланиб, маҳаллий бозорга чиқарилмоқда. Бу ерда ташкил этилган гиламчилик мактабида яқин атрофдаги маҳаллаларда истиқомат қилаётган ёш қизлар соҳа сирларини ўрганишади.

– Шаҳримизда она-момоларимиз амалий безак санъатининг муҳим турларидан бири бўлган гиламдўзликда асосан қўй жунидан тайёрланган ипларни ишлаштишган, – дейди Хулкар Эгамбердиева. – Эслаيمان, бир пайтлар маҳалламиз аёллари бизникига тўпланиб, баҳорги жундан пишиқ, чидамли гиламлар тўқишарди. Кузги жун мустаҳкам бўлгани учун ўндан кўпинча кигиз тайёрлашда фойдаланишарди. Фақат турли хил ранглар ва нақшлардан фойдаланиш борасида изланишимиз керак экан. Мазкур танловда илк бор иштирок эттишим. Энг муҳими, ҳали ўз устимда жуда кўп ишлашим кераклигини англаб етдим.



Ҳакамлар ҳайъати томонидан Боғишамол маҳалласида “Guichehra tekstil Golden” хусусий фирмасини ташкил этиб, болалар ва аёллар кийимлари ишлаб чиқараётган, “Аёллар дафтари”га киритилган беш нафар хотин-қизни иш билан таъминлаган Гулчеҳра Муҳаммадиева, оқшом либослари ишлаб чиқаришга асосланган “Sarvinov moda Atele” хусусий корхонаси раҳбари, ҳўжахиёллик Сарвиноз Муродова, равоқлик қандолатчи аёл Дилноза Азимова, Махсумобод маҳалласида атирли совун маҳсулотларидан гул ва безаклар ясашни йўлга қўйиб, айига 20 миллион сўм даромад топаётган Зебинисо Нормуродова, миллий дўппи,



чопон ва кийимлар тайёрлашда беназир бўлган розуғарлик хунарманд аёл Ҳамида Бўронованинг фаолияти алоҳида эътироф этилди. 35 нафар иштирокчилар орасида 10 нафари мазкур танловнинг Қарши шаҳар босқичида қатнашиш ҳуқуқини қўлга киритди.

\*\*\*

Шунингдек, О'zLiDeP Қашқадарё вилоят кенгашининг аёллар муаммоларини ўрганиш ва ишбилармонлигини қўллаб-қувватлаш бўлими ҳамда Миришкор туман кенгаши ҳамкорликда худуддаги Помук, Баҳористон, Барҳаёт, Янги қишлоқ, Тинчлик, Гулобод, Чаманзор, Ширин, Қурама, Дўстлик, Олтин бошоқ маҳаллаларида фаолият олиб бораётган тадбиркор ва хунарманд аёллар иштирокида мазкур танловнинг илк босқичини ўтказишди.

Помуқлик Мусаллам Норбекова, гулободлик Ўғилсанам Қувончиева қуроқчилик, тикувчилик, махсус кийим-кечак ишлаб чиқариш, сотиш, ижарага бериш ва бошқа хизматлар билан шуғулланмоқда. “Аёллар дафтари”даги 14 нафар хотин-қизни иш билан таъминлашган.

Қурамалик Муяссар Сарикова беш сотих ерда иссиқхона ташкил этиб, тўрт нафар хотин-қизни ҳам банд этган. Мақсуда Ҳалимова Дўстлик маҳалласида “Мақсуда асл омад” оилавий корхонасини очиб, ўн нафар аёлни меҳнатга жалб қилди. Энди улар ишсизлик муаммосидан кутулди.

Ҳакамлар ҳайъати хулосасига кўра, Ирода Жума-

нова кўрик-танловнинг туман босқичига йўлланмани қўлга киритди. У Барҳаёт маҳалласида тикув цехи ташкил этиб, ўн нафар хотин-қизни иш билан таъминлаб, аёллар ва болалар кийимлари, кўрпа-кўрпача, ёстиқ, чойшаб, пардалар тайёрлаб, маҳаллий бозор ва савдо дўконларига етказмоқда. Махсулотлари Туркманистонга ҳам экспорт қилиняпти. Келгусида корхонани кенгайтириб, ишчилар сафини 50 нафарга, махсулот турини 30 тага етказиш учун тинимсиз изланыпти.

Сайфулла ИКРОМОВ,  
“XXI asr” мухбири

ТОШКЕНТ ШАҲРИ



Бир-биридан ўзарлар

Ишбилармон аёллар бугун нафақат хунармандчилик, касаначилик, савдо ва хизмат кўрсатиш соҳасида, балки инновация, юқори технология, креатив индустрияда ҳам муваффақият қозонмоқда. О'zLiDeP Тошкент шаҳар ва Миробод туман кенгашларидаги “Аёллар қаноти” ўзаро ҳамкорликда ўтказган кўрик-танловнинг маҳаллалардаги саралаш босқичи давомида бунга гувоҳ бўлишди.

Миробод туманидаги Авлоний, Лолазор, Минг-ўрик, Афросиёб, Миробод, Фаровон, Шароф Рашидов, Ойбек, Баротхўжа, Янги Миробод, Иноқобод, Истиқлолобод, Салар, Оқ уй, Байналминал маҳаллаларидаги тадбиркор ва хунарманд аёллар фаолияти ўрганилди, иш жараёни, тайёрлаётган махсулотлари кўздан кеңирилди.



Янги Миробод маҳалласилик Мария Гусакова “Green Town” бренди асосини бўлиб, хонаки гулларни парварishiлайди, уларни сотиб, шу орқали яхшигина даромад топади. 10 нафар ишчиси бор. Ҳозирда нафақат ўсувчи, балки узоқ мuddатда чирой берадиган курилган ва сунъий гуллар ҳам ясапти.

Шароф Рашидов маҳалласидаги дизайнер, тикувчи Мадина Таирзоданинг ҳам доврўғи анча ба-

ХОРАЗМ



Изланишдан  
тўхтамаймиз

О'zLiDeP Хоразм вилоят кенгаши фаоллари Шерматлар маҳалласидаги тадбиркорлик субъекти билан танишишди.

Урганч туманидаги “Одина тор” оилавий корхонаси 2014 йилдан буён маҳаллий истеъмолчиларга 40 дан ортиқ турдаги ширинлик ва нон етказиб бераётир. Махсулотлар табиий ва юқори сифатли хомашёлардан, Хитой, Туркия технологияларида, санитария ва гигиена талабларига қатъий риоя қилган ҳолда тайёрланади. 25 дан ортиқ хотин-қиз малакали мутахассислар томонидан ўқитилиб, ўз ишининг устасига айланган.



– Тадбиркорлик – изланиш, меҳнат ҳамда жамоага ишонч ва ҳамжиҳатлик маҳсулидир, – дейди ушбу оилавий корхона раҳбари Шахло Машарипова. – Махсулотларимиз аҳолига манзур бўлаётганидан хурсандмиз. Бунинг катта куч бағишлайди. “Ишбилармон аёл” кўрик-танловининг маҳалла босқичида иштирок этишим ўз бизнесимни янги босқичга кўтаришга бир қадамдир. Бунинг учун О'zLiDeP вакилларида миннатдорман. Келажақда ишлаб чиқариш ҳажмини ошириш, янги махсулотлар билан ички бозорни таъминлашни режалаштиряпман.

О'zLiDeP Хоразм вилоят кенгаши  
матбуот хизмати

НАВОЙ



Уйда бўш  
ўтирганлар йўқ

Навоий шаҳридаги Абдулла Қодирий номидаги ахборот-кутубхона марказида “Ишбилармон аёл” кўрик-танловининг маҳалла босқичи бўлиб ўтди. Унда Турон ва Мустақиллик маҳаллаларида фаолият олиб бораётган 6 нафар тадбиркор иштирок этди.

Ҳамкор ташкилотлар вакиллари ва партия вилоят, шаҳар кенгаши депутатларидан иборат ҳақамлар ҳайъати уларнинг ишлари билан яқиндан танишиб, адолатли баҳолаб боришди. Ишбилармонлар тақдим этган махсулотлар кўргазмасини кузатиш давомида уларнинг ахотин-қизлар учун қанча янги иш ўрни яратгани, “Аёллар дафтари”га киритилганларни касб бўйича ўқитиб, бандлигини таъминлагани, махсулот ва хизматларининг сифати, фаолиятида татбиқ этган янги инновацион ғоялар ва уларнинг натижасига эътибор қаратишди.



Кўрик-танловнинг якуний хулосасига кўра, 1-ўринга Мустақиллик маҳалласидаги “Сузани Зарина” бренди асосчиси, 500 дан ортиқ хотин-қизни касаначилик асосида иш билан таъминлаган Зарина Ҳамидова муносиб кўрилди. Унга танловнинг кийинги босқичига йўланма берилди.

Қундузхон ЭШҚОРАЕВА,  
О'zLiDeP Навоий вилоят кенгаши  
бўлими мудири

БПТ ҲИСОБОТ-САЙЛОВ ЙИЎГИЛИШЛАРИ

ҚОНИҚАРЛИДАН  
КўРА НАМУНАЛИ  
ЯХШИ-ДА!

БУХОРО

О'zLiDeP Бухоро вилояти кенгашидаги қуйи бўғинларда ўтказилаётган йиғилишлар танқид ва ошкоралик руҳида кечмоқда.

Ўтган йил бошида вилоят бўйича ўз атрофига 101 510 нафар партия аъзосини бирлаштирган 886 та БПТ фаолият олиб борган бўлса, жорий йилнинг айна ҳолатида кўрсаткичлар 150 337 нафар ва 929 тани ташкил этмоқда. Табиийки, партия аъзолари сафининг ортиши қуйи бўғинларнинг сон ва сифат даражасига ҳам ижобий таъсир кўрсатмоқда.



Жумладан, Бухоро шаҳридаги 102 та қуйи бўғинда 22 026 нафар, Шофиркон туманидаги 87 та таянч бўғинда 13 392 нафар, Бухоро туманидаги 76 та БПТда 12 578 нафар партия аъзоси фаолият олиб борапти. Вобкент ва Ғиждувонда ҳам етакчиларнинг самарали фаолият олиб бораётгани, тарғибот, ташвиқот ишларини ҳар томонлама қучайтиргани, “маҳалла еттилиги” ходимлари билан ҳамжиҳатликда иш юритилгани туфайли аниқ натижаларга эришилган.

Жорий йилги ҳисобот сайлов йиғилишларида кун тартибидagi муҳим масалаларни атрофлича муҳокама этиш билан бирга БПТларнинг “Атроф-муҳитни асраш ва “яшил” иқтисодиёт йили”га оид давлат дастуридан келиб чиқадиган устувор вазифалари белгилаб олинди. Маҳаллий кенгашлардаги партия депутатлик гуруҳлари ва қуйи тузилмаларнинг аҳоли манфаатларини ҳимоя қилишдаги ўрни масаласига эътибор қаратилди.

Таянч бўғин фаолият кўрсатувчи корхона, ташкилот ёки муассасанинг “Ўзбекистон – 2030” стратегиясидан келиб чиқадиган устувор вазифаларига ҳам алоҳида урғу берилди. Масалан, Ромитан туманида фаолият кўрсатаётган “Парвоз Хумо Равнақ” МЧЖда ўтказилган БПТнинг ҳисобот йиғилишида 217 нафар маслакдошдан иборат таянч бўғин аъзолари ушбу кластернинг ишлаб чиқариш фаолияти ҳамда стратегиясининг турдosh корхоналарга тааллуқли йўналишлари билан яқиндан таништирилди. Шофиркон туманидаги “Инсон” ижтимоий хизматлар марказида эса 2030 йилгача юртимизда аҳолига ижтимоий хизмат кўрсатиш тизимини тубдан яхшилаш, аynиқса, эҳтиёжманд, кам таъминланган, ногиронлиги бор шахсларни ҳар томонлама қўллаб-қувватлаш мақсадида олиб бориладиган ишлар бўйича маълумотлар берилди.

Вилоятдаги бошқа қуйи бўғинларда бўлиб ўтган ҳисобот сайловлар ҳам маслакдошларнинг давр билан ҳамқадам ва ҳамнафас, партиянинг дастурий ғоя ва мақсадлари ижросини таъминлашда яқдил ва ҳамфикр эканликларини кўрсатди. Олий Мажлис Қонунчилик палатаси депутати, партиянинг парламент қуйи палатасидаги фракцияси аъзоси Мадина Баратова иштирокида Бухоро шаҳридаги “Шохруд” АЖ, Бухоро туманидаги Зарманок маҳалласи, Когон шаҳри, Қоровулбозор туманларидаги бир қатор корхона ва ташкилотлар ҳисобот йиғилишларида ҳам уюшқoқлик кузатилди. Якунларга кўра, мавжуд БПТларнинг 909 тасида етакчилар қайта, 20 тасига эса янгилари сайланди.

Асхор ИСТАМОВ,  
“XXI asr” мухбири

САМАРҚАНД

О'zLiDeP Самарқанд вилоятидаги БПТда салкам уч ойдан бери тадбирлар бўлиб ўтмоқда.

– Бугунги кунгача 1 344 та бошланғич партия ташкилотида бўлиб ўтган йиғилишларда 90 мингдан ортиқ маслакдошларимиз, партия фаоллари ва ОАВ вакиллари иштирок этди, – дейди О'zLiDeP Самарқанд вилоят кенгаши бўлими мудири Жаҳонгир Хўжамкулов. – Йиғилишларда қуйи бўғинлар фаолиятидаги ютуқлар билан биргаликда ечимини кузтаётган муаммо ва камчиликлар ҳам мавжудлиги аниқланди. Маслакдошларимиз фаолияти таҳлилий, танқидий қўриб чиқилди. Тадбирда кенг жамоатчилик вакиллари, аynиқса, барча БПТлардаги О'zLiDeP депутатлари ҳамда фаоллар иштироки таъминлангани қатнашчиларнинг очиқ мулоқот қилиши, фикр ва таклифларини ўртага ташлашга имкон берди.



Қайд этилдики, ўтган йил давомида ёшларни ҳар томонлама қўллаб-қувватлаш, бандлигига қўмаклашиш, ташаббусларини рўёбга чиқариш мақсадида эътиборга молик ишлар амалга оширилган. БПТлар ташаббуси билан тижорат банклари ходимлари иштирокида хотин-қизлар ва ёшларни тадбиркорликка жалб этишга қаратилган турли тадбир, давра суҳбати ва ўқув семинарлар ўтказилди. Бу эса маҳалладаги қўллаб-қувватловнинг соҳага кириб келишига замин яратди. Ўтган йилдаги фаолиятлари қониқарлидан кўра намунали деб топилган 1 344 та ташкилот етакчилари қайта сайланди.

О'zLiDeP Самарқанд вилоят кенгаши  
матбуот хизмати



